

TSELA EA HO KHETHA



SELELEKELA

Pampiri ena e reretsoe ho tataisa mokhethi ka tsela e lateloang ha ho khethoa.

KE MANG EA NANG LE TOKELO EA HO KHETHA?

Mosotho e mong le e mong ea ngolisitseng le Komisi e Ikemetseng ea Likhetho o na le tokelo ea ho khetha.

KE MANG EA SE NANG TOKELO EA HO KHETHA?

Motho mang kapa mang ea sa ngolisang le Komisi e Ikemetseng ea likhetho

Motho ea ahloletsoeng ho tlola molao oa likhetho

Motho ea lilemo li ka tlaase ho leshome le metso e robeli

HO KHETHELOA KAE?

Ho khetheloa hohle litsing tsa khethelo mabatoeng, moo motho a ngoliselitseng teng kapa moo a falletseng teng

HO KHETHOA NENG?

Ka letsatsi le hlahang alemanakeng ea likhetho ea Komisi e Ikemetseng ea Likhetho.

TSELA EA HO KHETHA

Sheba leqhepheng le latelang ho bona mokhoa o lateloang ha ho khethoa.

TSELA EA HO KHETHA

1. Ofisiri ea likhetho e hlahloba lebitso la mokhethi ka ho sheba lenane le karete ea ngoliso kapa lengolo la ho eta kapa la ho qhoba haeba karete e le sieo
2. Ofisiri ea likhetho e sheba lebitso la mokhethi lenaneng la bakhethi 'me a le take ka mola
3. Ofisiri ea likhetho e hlahloba matsoho a mokhethi ho netefatsa hore ha a só khethe, e be ofisiri e tlotsa mokhethi ka enke monoaneng
4. Ofisiri ea likhetho e ngola nomoro ea boitsebiso likutung tsa pampiri ea ho khetha a tempe bokamora ba pampiri ea ho khetha
5. Ofisiri ea likhetho e fa mokhethi pampiri ea ho khetha. E mo supisa lebokose la lekunutu ho etsa khethe ea hae
6. Mokhethi o nka pampiri ea ho khetha a ee ka lebokoseng la lekunutu
7. Mokhethi o khetha ka ho beha letšoao la tsoepo kapa la sekere ka lebokoseng la mokha kapa moiketi

8. Mokhethi o mena pampiri ea ho khetha e le hore e se hlahise khetho ea hae, e be o e khutlisetsa ho ofisiri ea likhetho ho tlosa karoloana e ka holimo
9. Mokhethi o tšela pampiri ea ho khetha ka har'a lebokose la likhetho
10. Mokhethi o tloha setsing hang hang kamor'a ho khetha

TLHOKOMELISO

- Mokhethi a ke ke a atamela, a kena-kenana kapa a thusa motho ea lakatsang ho khetha nako le nako. Ha a lumelloa ho kena setsing ntle le tumello
- Mookameli oa setsi sa khethelo o tla netefatsa hore ho kena motho a le mong ka nako ka sekhutloaneng sa ho khethela
- Ho latela molao, ho hlakoloa hoa lebitso le nomoro ea motho lenaneng, ho bontša hore motho eo o filoe pampiri ea ho khetha

LITOKOMANE TSE KA SEBELISOANG HA HO KHETHOA MOO KARETE EA LIKHETHO E LAHLEHILENG KAPA E SENYEHILENG

- Buka ea ho eta kapa;
- Lengolo la ho qhoba, kapa;
- Bopaki ba Morena
- Karete ea Naha ea Boitsebiso (National Identity Card)